



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Commemoratio Brevis Rervm A Legatis Apostolicae Sedis Constantinopoli
Gestarvm.

urn:nbn:de:hbz:466:1-15625

& topazio meliorem, qui sui valore ad ossa sua sanctissima subtrahenda Cæsareum etiam verticem inclinavit. Nec maiestas imperialis, nec regia celsitudo, pii furis hic notam aut nomen erubuit in Arnulpho, dummodo beati corporis opibus vel doli, vel furti, vel sacrilegii modo sacrari atque ditescere mereretur: qui fures atque sacrilegos erat solitus condemnare, dummodo macarii Dionysii precioso corpore frueretur, fur ipse tunc fieri & sacrilegus non contempsit.

Cum insuper fides atque deuotio dubium etiam omne per hoc penitus amputauit, quod non in ipsa Roma, non in quacumque metropoli, non in vrbe qualibet regni vel arce sibi studebat eligere sepulturam, sed vbi suum se Dionysium condidisse & sciunt & latantur, suo se sperans patrocinio defendendum, & conresuscitandum in die nouissimo cum beatis. Præsentibus igitur dilectionem vestram monemus attentius, & hortamur in Domino, districte præcipientes, quatenus Rustico & Eleutherio pie contenti, non fallentes vosmetipos & alios, beatissimi Dionysii ossa in vrbe Ratisponæ apud ecclesiam beati Emmeranni martyris & noscatis & fateamini coruscare.

Datum & actum Ratisponæ per manus Friderici diaconi bibliothecarii & cancellarii sanctæ Romanæ ecclesiæ catholicæ & apostolicæ, anno Domini millesimo quinquagesimo secundo, anno pontificatus domini Leonis noni papæ quarto, indictione * quinta, Nonis Octobris.

COMMEMORATIO BREVIS

RERVM A LEGATIS APOSTOLICÆ SEDIS

CONSTANTINOPOLI GESTARVM.

*Incipit brevis & succincta commemoratio eorum quæ gesserunt
apocrisiarii sanctæ Romanæ & apostolicæ sedis in regia
vrbe, & qualiter anathematizarunt Michaelem
cum sequacibus suis.*

ANNO duodecimo imperii Constantini Monomachi Res gestæ
per legatos
apostolicos
Constanti-
nopolis. indictione septima, ipso die nativitatis beati Ioannis Baptistæ, aduenientibus a domno papa Leone nono apocrisiariis sanctæ Romanæ & apostolicæ sedis, Humberto

Ppp iij

scilicet cardinali episcopo Siluæ candidæ, & Petro Amal- phitanorum archiepiscopo, Friderico quoque diacono & cancellario, ad monasterium Studii intra urbem Constan- tinopolitanam, Niceta monachus, qui & Pectoratus, ante præsentiam præfati imperatoris, & procerum eius, in- sistentibus ipsis nuntiis Romanis, anathematizauit quod- dam scriptum sub suo nomine contra sedem apostolicam & omnem Latinam ecclesiam editum, & prætitulatum de azymo, de sabbato, & de nuptiis sacerdotum. Insuper a- nathematizauit cunctos qui ipsam sanctam Romanam ecclesiam negarent primam omnium ecclesiarum esse, & qui illius fidem semper orthodoxam præsumerent in aliquo reprehendere. Post hæc statim in conspectu om- nium, ad suggestionem eorumdem nuntiorum Romano- rum, iussit idem orthodoxus imperator præfatum incen- di librum, sicque fuit discessum.

Niceta Pe-
ctoratus
cantat pa-
linodiam.

Humberti
scripta in
Græcum
translata.

Excommu-
nicatur Mi-
chael pa-
triarcha
Constitu-
nus.

Matth. 10.

Sequenti autem die prædictus Niceta vrbe egressus vi- tro adiit ipsos legatos intra palatium Pigi, a quibus acci- piens perfectam suarum propositionum solutionem ite- rum sponte anathematizauit omnia dicta, & facta, vel ten- tata aduersus primam & apostolicam sedem. Sic ab eis in communionem receptus, effectus est eorum familiaris amicus. Porro dicta vel scripta eorumdem nuntiorum aduersus diuersas calumnias Græcorum, & maxime contra scripta Michaelis Constantinopolitani episcopi, & Leonis Acriani metropolitani episcopi, atque saepe dicti Nicetæ monachi, iussu imperatoris in Græcum fuere transla- ta, & in eadem vrbe haec tenus conferuata. Tandem Mi- chaele præsentiam eorum & colloquium deuitante, at- que in stultitia sua perseuerante, præfati nuntii decimo septimo Kalendas Augosti adierunt ecclesiam sanctæ So- phiæ, & super obstinatione illius conquesti, clero ex mo- re ad Missas præparato, iam hora tertia, die sabbati, char- tam excommunicationis super principale altare posue- runt sub oculis præsentis cleri & populi. Inde mox egref- si, etiam puluerem pedum suorum excussere in testimo- nium illis, iuxta dictum euangelii, proclamantes: *Vi- deat Deus, & iudicet.* Hinc ordinatis ecclesiis Latinorum intra ipsam Constantinopolim, anathemate dato cunctis qui deinceps communicarent ex manu Græci Romanum

sacrificium vituperantis, in osculo pacis, accepta orthodoxy imperatoris licentia, donisque imperialibus sancto Petro & sibi, alacres cœpere reuerti decimoquinto Kalendas Augusti.

Sed nimia instantia precum Michaelis, spondentis tunc demum se conflicturum cum eis, imperator compulsus a Solembria literis suis eos reuocauit decimotertio Kalendas Augusti. Quo etiam die festinantes regressi diuerte-
Legati apostolici profecti reuocati.
Machinatio contra legatos apostolicos.
runt ad palatium Pigi. Quos præfatus hæresiarcha comperiens rediisse quasi ad Concilium, conabatur adducere in ecclesiam sanctæ Sophiæ sequenti die, vt ostensa charta illorum, quam omnino corruperat transferendo; obruerentur ibidem a populo. Quod prudens imperator præcauens, noluit haberi aliquod Concilium, nisi & ipse adesset præfens. Cumque in hoc ei omnimodis Michael contradiceret, iussit Augustus ipsos nuntios confessim arripare iter. Quod & factum est.

Porro vesanus Michael dolens suas non procedere insidiias, concitauit imperatori seditionem vulgi maximam, Comitatus populus contra imperatorem. velut nuntiis cooperata fuerit eius voluntas. Vnde imperator coactus interpretes Latinorum, Paulum videlicet, ac filium eius Smaragdum cæsos & detentos Michaeli tradidit; sicque tumultus ille conquieuit. Verum imperator post nuntios Romanos directis suis, exemplar excommunicationis veracissimum a ciuitate Russorum sibi remissum accepit, ciuibusque ac tandem Michaelem falsasse chartam legatorum comperit, atque conuicit. Itaque commotus amicos & affines ipsius honoribus priuatios a palatio eliminauit; contraque ipsum usque nunc graves iras retinuit. Denique exemplar chartæ excommunicatorię est tale:

Humbertus Dei gratia cardinalis episcopus sanctæ Romanae ecclesiæ, Petrus Amalphitanorum archiepiscopus, Fridericus diaconus & cancellarius, omnibus catholicae ecclesiæ filii sancta Romana prima & apostolica sedes, ad quam tamquam ad caput sollicitudo omnium ecclesiarum specialius pertinet, ecclesiasticæ pacis, & utilitatis gratia ad hanc regiam urbem nos apocrisiarios suos facere dignata est, ut iuxta quod scriptum est, descendemus, & vide-remus, utrum opere completus sit clamor, qui sine inter-

Libellus ex communicationis contra Michaelem patriarcham.

missione ex tanta vrbe concendit ad eius aures: aut si non est ita, vt sciret. Quamobrem cognoscant ante omnia glorioſi imperatores, cleruſ, ſenatus & populuſ huius Constantinopolitanæ vrbis, & omniſ ecclesiæ catholicæ, nos hic persenſiſſe magnum, vnde vehementer in Domino gaudeamus, bonum, & maximum, vnde miserabiliter contristemur, malum. Nam quantum ad columnas imperii, & eius honoratoſ, atque ciues sapientes, Christianiſſima atque orthodoxa eſt ciuitas: quantum autem ad Michaelē abuſiue * dicatum patriarcham, & eius ſtultiæ fau-^{alies}tores, nimia zizania hæreſeon quotidie ſeminantur in ^{dictum} medio eius.

Errores Mi-
chaelis &
fociorum.

Quia ſicut ſimoniaci donum Dei vendunt. Sicut Valeſi, hospites ſuos caſtant, & non ſolum ad clericatum, ſed insuper ad epifcopatum promouent. Sicut Ariani, reba-ptizant in nomine ſanctæ Trinitatis baptizatoſ, & maxime Latinoſ. Sicut Donatiſtae affirmant, excepta Græcorum ecclesiæ, ecclesiæ Christi, & verum ſacrificium atque baptismum ex toto mundo periiffe. Sicut Nicolaitæ carnales nuptias concedunt & defendunt ſacri altariſ mi- niſtris. Sicut Seueriani maledictam dicunt legem Moysiſ. Sicut Pneumatomachi vel Theomachi abſciderunt a ſymbolo Spirituſ ſancti proceſſionem a Filio. Sicut Manichæi inter alia quodlibet fermentatum fatentur anima- tum eſſe. Sicut Nazareni carnalem Iudæorum mundi- tiam adeo feruant, vt paruulos morienteſ ante octauum a natuitate diem baptizari contradican, & muliereſ in menſtruuo vel partu periclitanteſ communiceſ, vel ſi pa- ganae fuerint, baptizari prohibeant, & capilloſ capitii, ac barbaſ nutrientes, eos qui co-amas tondent, & ſecundum iuſtitutionem Romanae ecclesiæ barbaſ radunt, in com- munione non recipiant.

Pro quibus errorib⁹ & aliis pluribus factis ſuis ipſe Michael literis domini noſtri Leonis papæ admonitus reſipiscere contempſit. Inſuper nobis nuntiis illius cauſas tantoruſ malorum rationabiliter reprimere volenteſ præſentiam ſuam & colloquiuſ denegauit, & ecclesiā ad Miſſas agendum interdixit. Sicut & priuſ Latinoruſ ecclesiā clauerat, & eos Azymitas vocans verbiſ & factis ubique perſecutus fuerat, intantum, vt in filiis ſuis anathe-

anathematizasset sedem apostolicam, contra quam se ad-huc scribit oecumenicum patriarcham. Vnde nos quidem sanctæ primæ & apostolicæ sedis inauditam contumeliam & iniuriam non ferentes, catholicamque fidem subrui multis modis attendantes, auctoritatem sanctæ & individuæ Trinitatis, atque apostolicæ sedis, cuius legatione fungimur, & cunctorum orthodoxorum patrum ex Conciliis septem, atque totius ecclesiæ catholicæ anathemati, quod dominus noster reuerendissimus papa eidem Michaeli, & suis sequacibus nisi resipiscerent, denuntiauit, ita subscribimus: Michael abusivus patriarcha, neophytus, & solo humano timore habitum monachorum adeptus, nunc etiam criminibus pessimis a multis diffamatus, atque cum eo Leo Acridanus episcopus dictus, & facellarius ipse Michaelis Constantinus, qui Latinorum sacrificium profanis conculcauit pedibus, & omnes se quaces eorum in præfatis erroribus & præsumptionibus sint anathema maranatha cum Simoniacis, Valesiis, Arianiis, Donatistis, Nicolaitis, Seuerianis, Pneumatomachis, Manichæis, & Nazarenis, & cum omnibus hæreticis, imo cum diabolo & angelis eius, nisi forte resipuerint. Amen, Amen, Amen. Post hæc mox ista:

Item alia excommunicatio ibidem facta in præsentia imperatoris, & optimatum eius viua voce.

Quicumque fidei sanctæ Romanæ & apostolicæ sedis, eiusque sacrificio pertinaciter contradixerit, sit anathema maranatha, nec habeatur Christianus catholicus, sed Prozimita hæreticus. Fiat, fiat, fiat.

E P I S T O L A XII.
L E O N I S P A P A E I X.
AD PRINCIPES BRITANNIÆ.

*Leo sanctæ sedis apostolicæ gratia Dei papa E. Britonum principi,
& Analo comiti, & ceteris principibus Britanniæ,
secundum Deum vivere volentibus,
vita & salus.*

IN scriptis veterum reperimus, omnes episcopos tuæ patriæ archiepiscopo Turonico subiectos esse debere:
Concil. Tom. 25.

Qqq